

## BESTELAKO XEDAPENAK

HEZKUNTZA, UNIBERTSITATE ETA IKERKETA SAILA

### 6001

*EBAZPENA, 2011ko urriaren 25ekoa, Lanbide Heziketako zuzendariarena, Euskal Autonomia Erkidegoan teknikariaren eta goi-mailako teknikariaren tituluak lortzeko 2011-2012 ikasturteari dagozkion proba libreetarako deia egiten duena.*

Euskal Autonomia Erkidegoan teknikariaren eta goi-mailako teknikariaren tituluak lortzeko probak arautzen dituen 2008ko ekainaren 19ko Aginduaren 4. artikulua honako hau xedatzen du: «Deialdiak Lanbide Heziketako zuzendariaren ebazpenen bidez gauzatuko dira. Ebazpen horietan, izen emateko aldia eta proben datak zehaztuko dira». Era berean, 2. artikulua ezartzen du proba horiek Hezkuntza, Unibertsitate eta Ikerketa Sailaren mendeko ikastetxeetan egingo direla, baimenduta dituzten heziketa-zikloetan, eta betiere, araubide arruntean matrikulatutako ikasleak badituzte lehen nahiz bigarren ikasturtean.

Horren ondorioz, honako hau

#### EBAZTEN DUT:

##### 1. artikulua.– Deialdia.

2011-2012 ikasturteari dagozkion proba libreetarako deialdia egingo da. Proba horiek teknikariaren eta goi-mailako teknikariaren tituluak lortzeko Hezkuntza, Unibertsitate eta Ikerketa sailburuaren 2008ko ekainaren 19ko Aginduaren bidez arautzen dira. Aipatutako tituluak Hezkuntza Sistemaren Antolamendu Orokorrerako urriaren 3ko 1/1990 Lege Organikoaren (LOGSE) ondorioz sortuak dira.

##### 2. artikulua.– Matrikula.

2010-2011 eta 2011-2012 ikasturteetan Hezkuntzari buruzko maiatzaren 3ko 2/2006 Lege Organikoaren (LOE, I. eranskina) ondorioz sortutako heziketa-ziklo berriek ordezkatu dituzten heziketa-zikloen kasuan, proba horiek egiteko matrikula egin ahal izango dute (2/2006 Lege Organikoaren ondorioz sortutako ziklo berria ezartzen deneko ikasturtean eta hurrengoan) matrikula eskatzen duteneko heziketa-zikloa osatzen duten lanbide-modulu guztietan nahiz horietako batean edozein modalitatetan aurretik matrikulatuta egon direnek. Eskakizun hori egiaztatzeko, pertsona interesduna matrikulatuta egon den ikastetxeko idazkariak igorritako ziurtagiria aurkeztuko da.

Hezkuntzari buruzko maiatzaren 3ko 2/2006 Lege Organikoaren ondorioz sortutako heziketa-ziklo berriek ordezkatzeko ez dituzten heziketa-zikloen kasuan, interesdun guztiak matrikulatu ahal izango dira probak egiteko.

2009-2010 ikasturtean ordezkaturako zikloetarako agortu egin dira proba horietarako deialdiak (II. eranskina).

Matrikulatu ahal izateko, artikulua honetan aipatzen diren ikasleek bete egin beharko dituzte Euskal Autonomia Erkidegoan teknikariaren eta goi-mailako teknikariaren tituluak lortzeko probak arautzen dituen Hezkuntza, Unibertsitate eta Ikerketa sailburuaren 2008ko ekainaren 19ko Aginduan ezarritako eskakizunak (uztailaren 14ko EHAA).

Ikasle berak ezin izango du ikasturte berean matrikulatu teknikariaren eta goi-mailako teknikariaren tituluak lortzeko probetan autonomia-erkidego batean baino gehiagotan. Baldintza hori ez betetzeak matrikula deuseztatzea ekarriko du berekin. Egoera hori egiaztatzeko, III. eranskinean jasotzen den aitorpena bete beharko du.

3. artikulua.– Zein ikastetxetan egin ahal izango den matrikula.

Matrikula egin ahal izango da, heziketa-ziklo osorako edo lanbide-moduluetarako, Hezkuntza, Unibertsitate eta Ikerketa Sailaren mendeko ikastetxe publikoetan, baimenduak dituzten heziketa-zikloetan, baldin eta araubide arruntean ikasleak lehen ikasturtean zein bigarrean matrikulatuta badituzte.

2010-2011 eta 2011-2012 ikasturteetan Hezkuntzari buruzko maiatzaren 3ko 2/2006 Lege Organikoaren (LOE) ondorioz sortutako heziketa-ziklo berriek ordezkatu dituzten heziketa-zikloen kasuan, ikastetxeek ikasleak izan beharko dituzte, bigarren ikasturtean, matrikulatzen den heziketa-zikloan; hura ordezkatzeko duen heziketa-zikloan, lehen ikasturtean; edo, hala badagokio, azken ziklo horren bi ikasturteetan.

4. artikulua.– Matrikula eta probak egiteko aldia.

Matrikula 2012ko martxoaren 19tik 30era bitartean egin beharko da, bi egun horiek barne.

Probak 2012ko ekainaren 1etik 22ra bitartean –bi egun horiek barne– egin ahal izango dira, ikastetxe bakoitzak ezartzen duen egutegira egokituz.

5. artikulua.– Tasak ordaintzea.

Euskal Autonomia Erkidegoko Administrazioaren Tasa eta Prezio Publikoei buruzko Legearen testu bategina onartzeko irailaren 11ko 1/2007 Legegintzako Dekretuak aipatzen dituen modalitateen bitartez ordaindu ahal izango da azterketa egiteko eskubidea. Kreditu-erakunde kolaboratzaileek lagunduko dute horretan. Azterketa-eskubideak ordaintzeko azken eguna 2012ko apirilaren 5a izango da.

Matrikulak balioa izan dezan, azterketa egiteko eskubideei dagokien tasa ordaindu beharko da. 2012ko apirilaren 20an jarriko da ikusgai, ikastetxeko iragarki-oholean, tasa ordaindu duten pertsonen zerrenda. Zerrenda horretan egon litezkeen akatsak zuzentzeko, epe bat irekiko da kaltetuek erreklamazioak jar ditzaten, eta epe hori apirilaren 26an amaituko da. Maiatzaren 7an jarriko da ikusgai matrikulatu diren eta probetara aurkez daitezkeen pertsonen behin betiko zerrenda.

## AZKEN XEDAPENAK

Lehenengoa.– Prozedura-gaietan ebazpen honetan arautu gabeko kasuetan, azaroaren 26ko 30/1992 Legean ezarritakoa aplikatuko da (30/1992 Legea, Herri Administrazioen Araubide Juridikoari eta Administrazio Prozedura Erkideari buruzkoa).

Bigarrena.– Ebazpen hau Euskal Herriko Agintaritzaren Aldizkarian argitaratu eta hurrengo egunean jarriko da indarrean.

Vitoria-Gasteiz, 2011ko urriaren 25a.

Lanbide Heziketako zuzendaria,  
MARÍA JOSÉ MADARIAGA ROLA.

2011ko abenduaren 15a, osteguna

## I.ERANSKINA

## LOGSE ZIKLOAK ORDEZKATZEN DITUZTEN 2010/11 IKASTURTEAN EZARRITAKO LOE ZIKLOAK

Lanbide arloa	LOE heziketa zikloak	LOGSE zikloaren ordez
Fabrikazio mekanikoa	Fabrikazio mekanikoko diseinua	Proiektu mekanikoen garapena
Ostalaritza eta turismoa	Bidaia-agentziak eta ekitaldien kudeaketa	Bidaia-agentziak
	Turismo-gidaritza, -informazioa eta -laguntza	Turismo-merkaturatzea eta -informazioa
Informatika eta komunikazioak	Sareko informatika-sistemen administrazioa	Informatika-sistemen administrazioa
Ehungintza, jantzigintza eta larrugintza	<i>Jantzigintza eta moda</i>	Jantzigintza
Garraioa eta ibilgailuen mantentze-lanak	Automozioa	Automozioa

## LOGSE ZIKLOAK ORDEZKATZEN DITUZTEN 2011/12 IKASTURTEAN EZARRITAKO LOE ZIKLOAK

Lanbide arloa	LOE heziketa zikloak	LOGSE zikloaren ordez
Administrazioa eta kudeaketa	Administrazio-kudeaketa	Administrazio-kudeaketa
Nekazaritza	Nekazaritza eta abeltzaintzako produkzioa	Nekazaritza-ustiategi estentsiboak Nekazaritza-ustiategi intentsibo Abeltzaintza-ustiategiak
	Lorezaintza	Lorezaintza
Eraikuntza eta obra zibila	Eraikuntza-proiektuak	Eraikuntza-proiektuen garapena eta aplikazioa
Elektrizitatea eta elektronika	Sistema elektroteknikoak eta automatizatuak	Instalazio elektroteknikoak
Ostalaritza eta turismoa	Jatetxe arloko zerbitzuetako zuzendaritza	Zaharberritzea
	Sukaldeko zuzendaritza	Zaharberritzea
Irudi pertsonala	Estetika eta edergintza	Dekorazio-estetika pertsonala
Informatika eta komunikazioak	Plataforma anitzeko aplikazioen garapena	Informatika-aplikazioen garapena
Instalatzeko eta mantentze-lanak	Beroa sortzeko instalazioak	Hozteko, girotzeko eta berotzeko instalazioen muntaia eta mantentze-lanak
	Hozteko eta girotzeko instalazioak	Hozteko, girotzeko eta berotzeko instalazioen muntaia eta mantentze-lanak
Elikagaien industriak	Elikagaien industriako prozesuak eta kalitatea	Elikagaien industria
Zurgintza, altzarigintza eta kortxoak	Arotzeria eta altzarigintza	Arotzeria eta altzarigintza industrialak
Garraioa eta ibilgailuen mantentze-lanak	Ibilgailu automobilen elektromekanika	Ibilgailuen elektromekanika

## II. ERANSKINA

## LOGSE ZIKLOAK ORDEZKATZEN DITUZTEN 2009/10 IKASTURTEAN EZARRITAKO LOE ZIKLOAK

(Ordezkatutako LOGSE ziklo horietarako ez da proba liberrik egongo)

Lanbide arloa	LOE heziketa zikloak	Logse zikloaren ordezkariak
Elektrizitatea eta elektronika.	Instalazio elektrikoak eta automatikoak	Ekipo eta instalazio elektroteknikoak
Fabrikazio mekanikoa	Mekanizazioa	Mekanizazioa
	Soldadura eta galdaragintza	Soldadura eta galdaragintza
	Fabrikazio mekanikoko produkzioaren programazioa	Mekanizazio bidezko produkzioa
	Metal-eraikuntzak	Metal-eraikuntzak
Ostalaritza eta turismoa	Sukaldaritza eta gastronomia	Sukaldaritza
	Jatetxe arloko zerbitzuak	Jatetxe eta tabernako zerbitzuak
	Turismo-ostatuak kudeatzea	Ostatu arloa
Informatika eta komunikazioak	Mikroinformatika-sistemak eta sareak	Informatika-sistemen ustiapena
Instalazte- eta mantentze-lanak	Bero- eta fluido-instalazioen proiektuen garapena	Fluido-, bero- eta mantentze-instalazioen proiektuen garapena
	Instalazio termikoak eta fluidodunak mantentzea	Eraikin- eta prozesu-instalazioak muntatu eta mantentzea
Elikagaien industriak	Okintza, gozogintza eta konfiteria	Okintza eta gozogintza Pastelgintza eta okintza
Kimika	Analisisiko eta kalitate-kontrolerako laborategia	Analisisa eta kontrola
Osasuna	Farmazia eta parafarmazia	Farmazia
Gizarte- eta kultura-zerbitzuak	Haur-hezkuntza	Haur-hezkuntza
Ehungintza, jantzigintza eta larrugintza	Patroigintza eta moda	Patroigintza Jantzigintza industrialeko prozesuak
Garraioa eta ibilgailuen mantentze-lanak	Karrozeria	Karrozeria

## III. ERANSKINA

## TEKNIKARIAREN ETA GOI MAILAKO TEKNIKARIAREN TITULUAK LORTZEKO PROBAK.

2011-2012 ikasturteari dagokion deialdia

..... jaunak/andreak  
(Interesdunaren izen-abizenak)  
.....NAN duenak,  
teknikariaren eta goi-mailako teknikariaren tituluak lortzeko probetan Euskal Autonomia Erkidegoan  
matrikulatuta dagoenak

## ZINPEAN EDO PROMESPEAN AITORTZEN DU:

Ikasturte honetan ez duela aldi berean matrikula egingo titulu bera lortzeko beste hezkuntza-  
administrazio batek deitutako probetan.

.....(e)n, 20 (e)ko .....aren ...(e)(a)n

Izpta.:

.....IKASTETXEKO ZUZENDARIA  
(ikastetxeren izena)